

Ngā ratonga Kaupapa Māori mō te hauora hinengaro, waranga hoki

Te hōtaka Whai Wāhi, Kōwhiringa hoki 2025

Nā Te Hīringa Mahara i tuhi: Paengawhāwhā 2025

Ka whakaatu tēnei pārongo whakairoiro i ngā kitenga matua mai i tā mātau pūrongo o nā tata nei mō te hōtaka Whai Wāhi, Kōwhiringa hoki e pā ana ki te whakamahinga a Ngāi Māori i ngā ratonga Whai Wāhi, Kōwhiringa hoki. Ka raua atu ko ngā ratonga Kaupapa Māori matua mō te hauora hinengaro, waranga hoki ka whai pūtea i te hōtaka.

Ko Te Hīringa Mahara (arā ko te Kōmihana Hauora me te Waiora Hinengaro), he mea whakature ki te arotake i ngā ratonga hauora hinengaro me te waranga, ā, kei te manawanui mātau ki te whakawhenua i tā mātau **Tauāki ki Te Tiriti o Waitangi**. Ka arotake mātau, ka akiaki hoki kia nui ake te tuku pūtea ki ngā ratonga Kaupapa Māori.

I whai pūtea te hōtaka Whai Wāhi, Kōwhiringa hoki i te Tahua Pūtea Waiora i 2019 ki te tuku tautoko āpiti ki ngā matea hauora hinengaro, waranga hoki 'e māmā ana, e āhua kaha ana' kei ngā horopaki atawhai matua, hāpori hoki.

E whā ngā momo ratonga o tēnei hōtaka – ngā ratonga Ngā Ratonga Mahi Tahi a te Hauora Hinengaro me te Waranga Matua (IPMHA), ngā ratonga Kaupapa Māori, Moana-nui-a-Kiwa, Rangatahi anō hoki.



Ko ngā ratonga Kaupapa Māori, he ratonga e aro ana ki te whānau ka whakaratoa atu e te Māori mō te Māori. He mea hoahoa ēnei ratonga ki te whakawhiwhi atu i te tautoko koreutu, tāwariwari, hāngai hoki e aro ana ki te ahurea e rite ana ki a Ngāi Māori.

1. Horopaki

Nō te 30 o Pipiri 2024


E ai ki te whakatauranga tata kua eke te tokomaha o Ngāi Māori ki Aotearoa ki te

922,600 tāngata

17.5 ōrau o te taupori ā-motu.¹



Nō te 2023/24, tērā ko te 22.5 ōrau o Ngāi Māori e pakeke ake ana i te 15 tau **ka kī kua rongorātau i te auhitanga hinengaro e āhua kaha ana.**²



2. Te Whakamahi i ngā ratonga Whai Wāhi, Kōwhiringa hoki


Nō te 2023/24, he nui atu i te

207,000

ngā tāngata i whakamahi i ngā ratonga Whai Wāhi, Kōwhiringa hoki.



E tata ana ki te hauwā (27 ōrau) o ngā tāngata katoa i whakamahi i ngā ratonga Whai Wāhi, Kōwhiringa hoki (hui katoa ngā ratonga katoa) i 2023/24, he tāngata Māori.



I whai wāhi a Ngāi Māori ki ngā momo ratonga katoa e meatia ana e te hōtaka. Ko Ngāi Māori tērā, ko te:

76%

o ngā tāngata i whai wāhi ki ngā ratonga Kaupapa Māori

35%

o ngā tāngata i whai wāhi ki ngā ratonga Rangatahi

19%


o ngā tāngata i whai wāhi ki ngā ratonga IPMHA

11%

o ngā tāngata i whai wāhi ki ngā ratonga Moana-nui-a-Kiwa

Tērā ko tōna **26,668** tāngata hou i whai wāhi ki ngā ratonga Kaupapa Māori 2023/24.

O tēnei hunga, ko te 76 ōrau he Māori, ko te 24 ōrau he tauwiwi.



¹ He mea tango mai i te Kaitoro Raraunga o Aotearoa i Huitanguru 2025.

² He mea tango mai i te kaitoro raraunga ā-tau o te Rangahau Hauora o Aotearoa i Huitanguru 2025.


Ripanga 1: Te ōrau me te nama o nga tāngata hou ā-iwi i kitea³ e ngā ratonga Kaupapa Māori (2023/24)

76% Māori
20,313 tangata

6% Moana-nui-a-Kiwa
1,704 tangata

4% Ngāi Āhia
1,132 tangata

13% Ko tētahi atu iwitanga
3,519 tangata



Mō ngā ratonga Kaupapa Māori, Moana-nui-a-Kiwa hoki, he rite tonu te noho mai o te tokomaha whanaunga ki te nohonga kotahi, engari ka tatauria tēnei hei tangata kotahi i āwhinatia. Ka whai pānga pea tēnei ki te tatauranga o ngā tāngata hou ka āwhinatia, ka whakahuna hoki i te tino kaute o ngā tāngata i āwhinatia.

“

Ka kite koe tērā tētahi huinga raraunga e hāngai ana ki te ōrau o Ngāi Māori e whai wāhi mai ana ki ngā ratonga, kāore e eke ki te 100%, engari kei te 70, 60, 50 kē. He tohu tērā kei te hiahia a tauwiwi ki tā mātau ratonga.

Kaiwhakarato ratonga Kaupapa Māori

”

I 2023/24:

Neke atu i te 8,300



(20 ōrau) ngā rangatahi (kei te 12-24 tau te pakeke) i whakamahi i ngā Ratonga Whai Wāhi, Kōwhiringa hoki, i whai wāhi mai ki ngā ratonga Kaupapa Māori.



+



+



I āwhina ngā ratonga Kaupapa Māori, Moana-nui-a-Kiwa, Rangatahi hoki i tōna **48,000** tāngata hemihemi.

Ko te toharite o ngā nohonga i whakaratoa atu e ngā ratonga Kaupapa Māori, i waenga i te kotahi ki te whā nohonga pea.

³ He mea homai te raraunga ki a mātau mā te iwitanga i tohua, kua mā ngā momo iwitanga katoa, nō te mea kei te whakapūrongo mātau i ngā tāngata motuhake i kite ai mātau. Nā tēnei, ko ngā tāngata he maha ō rātau iwitanga ka tohua ki roto i te raraunga kia kotahi te iwi matua, ko te rārangitanga ko Ngāi Māori, ko ngā iwi o Te Moana-nui-a-Kiwa, ko Ngāi Āhia, ka mutu ko tētahi atu iwitanga.

3. Ko ngā panonitanga ka hua ake i ngā ratonga Kaupapa Māori

He rerekē ngā tukanga kohikohi raraunga hua i tētahi ratonga me tētahi, he maha hoki ngā momo hōputu ka whakamahia pēnei i ngā taputapu ine hua, arā ko Hua Oranga, ko ngā pūrongo kōrero, ngā tauira rangahau, ngā mahi whakatakoto hua, ngā rangahau wheako, ngā puka arotake, ngā whakaahua me ngā ataata e whakamahi ana i 'te reo o te whānau'.

Kua whakamōhio mai ngā kaiwhakarato ratonga Kaupapa Māori i ngā pānga whai hua o ā rātau mahi ki ngā tāngata e whai wāhi atu ana ki ā rātau ratonga.



“

Ko te whakahono anō ki te kiritau taketake, koia ko te painga ki ngā whānau ahakoa e pēhea ana ōna āhuatanga. Ka ārahi te whānau i ngā kaimahi ki ērā wāhi.

Kaiwhakarato ratonga Kaupapa Māori

”

“

Tērā ētahi tāngata whaiora kua kōrero mai mō te panonitanga ki te wairua katoa ina ka whai wāhi atu ki te whenua, kātahi rā te hanga whakaora ... kāore e kitea tērā āhuatanga i ngā ratonga huaora hinengaro whānui kei waho atu ngā ratonga Kaupapa Māori.

”

“

Nā, ka kawea ngā whānau ki te ngahere, ka āwhina i a rātau ki te hono anō ki a Papatūānuku, ka āwhina hoki i a rātau kia mōhio ki ō rātau ake tikanga whakaora hei whakamahi mā rātau, me ngā mahi rongoā hoki, he mea āwhina katoa ēnei mahi.

”

“

Ko ngā kaimahi i konā [i te hotaka], ka kite atu i te kaha o te rangatahi nei, arā kia noho hei tuakana, nā ka tautoko atu rātau i a ia, ko te hua kua hoki atu ia ki te mātauranga.

”

4. Te horahanga o ngā ratonga Kaupapa Māori



Tae rawa mai ki 2023/24: **Kua hora atu ngā ratonga Kaupapa Māori ki ngā rohe**

20 katoa, hui katoa e **32** ngā ratonga Kaupapa Māori.

5. Te kapamahi o ngā ratonga Kaupapa Māori

92%

o ngā Kaimahi Ukiuki (FTE) (e 263.5 FTE o ngā 286.6 FTE i kirimanatia) i whai mahi i 2023/24, koia ko te pāpātanga teitei rawa o ngā momo ratonga Whai Wāhi, Kōwhiringa hoki.

6. Ko te tuku pūtea ki ngā ratonga Kaupapa Māori




Tae rawa ki te 30 o Pipiri 2024, **neke atu i te \$83 miriona** (nō roto i te \$664 miriona) i tukuna ki ngā ratonga Kaupapa Māori.



Ko te **20 ōrau** o te pūtea kaupapa Whai Wāhi, Kōwhiringa ka pūmau ināianei **te tuku atu kia whakaratoa atu ngā ratonga Kaupapa Māori.**

I te tau tuatahi o te kaupapa Whai Wāhi, Kōwhiringa hoki, i whai wā mātau ki te hoahoa ngātahi i ngā ratonga Kaupapa Māori me Ngāi Māori (whānau, hapū, iwi, whakahaere Māori, me ngā tāngata whaiora Māori). Nā te tukanga whakakirimana nei, me ngā pānga hoki o te Mate Kowheori-19, ka takaroa ai te kōkiri, ka iti iho te tuku pūtea ki ngā ratonga Kaupapa Māori i tā mātau i mahara ai i ngā tau tuatahi o te hōtaka.

Whakaahua 1: Ko te pūtea kua tohaina, kua whakapūmauitia ki ngā ratonga Kaupapa Māori, 2019/20 – 2023/24



Te neke whakamua

Kei te hiahia a Te Hiringa Mahara kia kohia, kia whakarārangitia ā-motu ngā raraunga hua mā ngā taputapu rangahau hua ka whakaaetia ngātahitia e ngā ratonga me ngā tāngata whaiora, otirā ō rātau whānau, e whakamahi ana i ngā ratonga Kaupapa Māori. Kei te hiahia hoki mātau kia whai i tētahi tukanga ōrite ā-motu mō te kohikohi raraunga e pā ana ki ngā tāngata whaiora me ō rātau whānau e ai ki ō rātau wheako i ngā ratonga. Hei whakakapi ake, kei te hiahia mātau kia kitea, kia whakaatatia hoki te tokomaha o ngā whānau ka āwhinatia i ngā nohonga ki roto i ngā tatauranga whai wāhi.

Ngā raraunga

Ko ngā kitenga ka whakapūrongotia ki konei, he mea tiki mai i:

- **Ngā raraunga hōtaka Whai Wāhi, Kōwhiringa hoki:** he mea tuku mai nā Te Whatu Ora me te Manatū Hauora
- **Ngā raraunga auhitanga hinengaro:** tā te Manatū Hauora Te Rangahau Hauora o Aotearoa, 2023/24
- **Ngā raraunga taupori:** tā Tatauranga Aotearoa, Kaitoro Raraunga Aotearoa
- **Raraunga inekounga:** he mea kohikohi i ā mātau wānanga ki ngā kaiwhakarato Kaupapa Māori.

Nā Te Hiringa Mahara i tuhi. Paengawhāwhā 2025.



He mea tiaki te pūrongo nei e te manatā o Te Hiringa Mahara. He mea raihana ēnei kōrero manatārua kia whakamahia anōtia i raro i te raihana Creative Commons Attribution 4.0 Raihana ā-Ao. Ko te tikanga, ka taea e koe te tārua, te tohatoha, te panoni hoki i ngā kōrero nei, engari me tautapa nā Te Hiringa Mahara ngā kōrero nei, me ū hoki ki ērā atu tikanga o te raihana. Kia tirohia te tārua o te raihana, me toro atu ki <https://creativecommons.org/licenses/by/4.0/legalcode>.